



Gradonačelnik

Broj: 07-4557/23

Datum: 04.01.2024.godine

Gradonačelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14 i 59/22), Budžeta Grada Srebrenik za 2023.godinu, („Sužbeni glasnik grada Srebrenik“, broj: 4/23), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) i člana 11. Privremene Statutarne odluke grada Srebrenik („Službeni glasnik grada Srebrenik“ broj: 1/19), a na preporuku Komisije za javnu nabavku po zapisniku broj: 07-4557/23 od 28.12.2023. godine za javnu nabavku izvođenja radova na sanaciji klizišta u gradu Srebrenik, d o n i o j e:

O D L U K U O IZBORU PONUĐAČA

I

Prihvata se preporuka Komisije za javnu nabavku, po zapisniku broj: 07-4557/23 od 28.12.2023. godine te se Ugovor za **javnu nabavku izvođenja radova na sanaciji klizišta u gradu Srebrenik** u ukupnom iznosu od **42.734,00 KM (cijena bez PDV-a)**, odnosno u iznosu od **49.998,78 KM (cijena sa PDV-om)** dodjeljuje ponuđaču »**JATA GROUP**« d.o.o. **Srebrenik**, a u skladu sa ponudom broj: 01-133/23 od 28.12.2023. godine.

II

Ponuđač je dužan u roku od 7 dana od dana prijema ove odluke, dostaviti dokaze po članu 45. stav (2) Zakona o javnim nabavkama iz tačke 12.3. tenderske dokumentacije. Dokaze koje dostavlja izabrani ponuđač ne mogu biti stariji od tri mjeseca, računajući od dana dostavljanja ponude.

III

Ova odluka objavit će se na web-stranici www.srebrenik.ba istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

O B R A Z L O Ž E N J E

Ponudu po Otvorenom postupku broj: 07-4557/23 od 07.12.2023. godine, objavljenom na Portalu javnih nabavki, Obavještenje o nabavci broj: 761-1-3-88-3-103/23 od 08.12.2023. godine i sažetak Obavještenja o nabavci objavljen u "Službenom glasniku BiH", broj: 84/23 od 15.12.2023. godine blagovremeno su dostavili ponuđači:

1. „JATA GROUP“ d.o.o. Srebrenik, broj ponude: 01-133/23 od 28.12.2023. godine, u iznosu od 42.734,00 KM (cijena bez PDV-a)
2. „ITK MUSIĆ“ d.o.o. Srebrenik, broj ponude: 338/23 pd 27.12.2023. godine, u iznosu od 49.750,00 KM (cijena bez PDV-a)



Komisija je pristupila analizi dostavljenih ponuda u cilju utvrđivanja jesu li iste potpune, prihvatljive i pravilne te ispunjavaju li uslove tražene tenderskom dokumentacijom. Nakon detaljne analize dostavljenih ponuda, Komisija je ustanovila sljedeće:

Ponuda ponuđača „ITK MUSIC“ d.o.o. Srebrenik, ocijenjena je kao neprihvatljiva, prvobitno iz razloga što ponuđena cijena prelazi planirana, odnosno osigurana novčana sredstva ugovornog organa za nabavku, a zatim što imenovani ponuđač ne ispunjava kriterije za kvalifikaciju privrednog subjekta. Naime, potvrda o urednom izvršenju ugovora na stranici 27. Ponude, Potvrda o uspješno izvedenim radovima na stranici 28. Ponude, Potvrda o uspješno izvedenim radovima na stranici 29. Ponude, ne ispunjavaju kriterij zahtjevan tačkom 12. Uslovi za kvalifikaciju, stav 12.1., pod tačkom c) – Da ima uspješno iskustvo u realizaciji najmanje jednog (1) ugovora čiji su karakter i kompleksnost isti ili slični onima koji se odnose na predloženi ugovor, u prethodne tri (3) godine. U konkretnom slučaju, predmet ugovora, odnosno izvedeni radovi u naprijed navedenim potvrdama svojim karakterom i kompleksnošću ne odgovaraju predmetnoj nabavci, dakle, nisu isti, a ni slični, zato što se odnose na radove sanacije i čišćenja korita rijeke Tinje u MZ Špionica – grad Srebrenik, nizvodno od mosta u Špionici Centar, radove na izgradnji anaerobnog uređaja za tretman fekalnih otpadnih voda u Brezju, radove na izgradnji kolektora za odvodnju upotrijebljenih voda u poslovnoj zoni Srebrenik 2, u naselju Srebrenik, a ne na radove koji bi po svojoj suštini odgovarali ili bili slični radovima sanacije klizišta.

Komisija je utvrdila da je ponuda ponuđača „JATA GROUP“ d.o.o. Srebrenik potpuna, prihvatljiva i pravilna te da ispunjava uslove tražene tenderskom dokumentacijom.

Računskom provjerom nisu uočene računске greške niti u jednoj ponudi.

Nakon izvršenih provjera, obzirom da nisu ispunjeni uslovi za zakazivanje e-aukcije zbog neprihvatljivosti ponude ponuđača „ITK MUSIC“ d.o.o. Srebrenik, Komisija je konstatovala je ponuda ponuđača „JATA GROUP“ d.o.o. Srebrenik u iznosu od **42.734,00 KM (cijena bez PDV-a)**, odnosno u iznosu od **49.998,78 KM (cijena sa PDV-om)** ocijenjena kao **prihvatljiva**, i nakon svega navedenog predlaže Gradonačelniku prihvatanje navedene ponude, a shodno članu 70. Zakona i donošenje Odluke o izboru najpovoljnije ponude ponuđača „JATA GROUP“ d.o.o. Srebrenik i zaključenje ugovora sa navedenim ponuđačem za **javnu nabavku izvođenja radova na sanaciji klizišta u gradu Srebrenik** u iznosu od od **42.734,00 KM (cijena bez PDV-a)**, odnosno u iznosu od **49.998,78 KM (cijena sa PDV-om)**.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

U postupku donošenja ove Odluke posebno su cijenjenje činjenice da je Komisija pravilno i potpuno izvršila ocjenu kvalifikovanosti ponuđača i ocjenu prispjele ponude izvršila u skladu sa kriterijima iz tenderske dokumentacije, Zakonom o javnim nabavkama i podzakonskim aktima

Iz navedenih razloga, primjenom člana 64. stav 1. tačka b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08) i



člana 11. Privremene Statutarne odluke grada Srebrenik („Službeni glasnik grada Srebrenik“ broj: 1/19), odlučeno je kao u tački I. ove odluke.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članovima 97., 99. i 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Dostavljeno:

1. Ponuđaču 2x,
2. Evidenciji,
3. Arhivi



GRADONAČELNIK

Adnan Bjelić

